



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Imagines Sanctorvm Ord. S. Benedicti**

**Stengel, Carl**

**[Ort nicht ermittelt], M.DC.XXV**

VIII. Septembris. S. Corbinianvs.

**urn:nbn:de:hbz:466:1-38356**

**S**CORBINIANS in Melitonensi agro natus, pietatis studio apud Gallos floruit. Monasterium ad S. Germani Ecclesiam condiderat, ubi cum annos XIV. vixisset, crebrescente sanctimoniae famâ, quotidianis omnium ordinum adibatur concursibus. Offensus est re, Romam abit, solum aliquem ad D. Petri basilicam angulum à Pontifice impetraturus, quo vni Deo vacaret. Veruna Gregorius Pont. promotum per sacrorum ordinum gradus, Episcopum creat, addita sacrâ benedictione, quâ exercenda dignitatis vbiq; terrarum fieret potestas. Eam ita gessit, vt priorem sanctimoniae opinionem miracula diuinis edita exaugerent. Boiorum etiam ruditatem miserans, verba de rebus diuinis saepe utiliter in publico fecit. Aliquando nox euntem inter aspera alpium in campis ad siluam, Breonum oppresserat, cum equum clittellarium, incusso ditum ab vrso raptum dilaniari contigit; tum CORBINIANVM sarcinam quæ prius iumenti fuerat, vrso imponi iussisse ferunt, paruisse beluam, sylvestri ingenio deposito, vicariâ operâ toto reliquo itinere functam. Grimoaldum Boiorum ducem, qui Pilitrudem relictam Theodibaldi fratris, iustæ coniugis loco domi haberet, ad paenitentiam facti deduxit, ab eoq; Ecclesiam S. Mariae Virginis Frisingæ, quo Episcopo sedes destinata, cum amoenissimo terrarum tractu, accepit. Tandem cum mortem ex propinquio imminere, animo praesensisser, lotus rasusque sacram uestem induit, sacrificium offert, & mystriis perceptis, domum redit ubi cum vinum poposcisset, vix gustato, fronteq; cruce signata, extrellum spiritum, nullâ cum doloris significatione reddidit. Funus à ministris Frisingæ ad D. MARIAE curatum. Post dies triginta corpus exhumatum, integrum repertum est, per omnia suauiter dormienti, quam mortuo similius: moto calidus de naribus sanguis fluxit. Accessere alia tum in itinere, tum Maiis miracula. Ut ad S. Valentini humatus, triduo post tempestâ nocte in ea ipsâ Ecclesiâ visa candidissima funalia tanto splendore exascere, vt diem vincere crederent, & iucundissimus odor fusi est.

Obiit. VIII Sept. A.C.DCCXXX. Ex vita S. Corbiniani & Vels. rer. hist. lib. 4.

S.COR.



S. CORBINIANVS. EPISC. FRIS. ORD. S. BEN.  
Immanem uerbis ursum parere Coegit.  
Et grane feno sibi CORBINIANVS onus.

OKT. 2

Q

X SEP<sup>o</sup>